

Tulipatanishwa na Mungu kwa Kifo cha Yesu

Kwa maana ikiwa tulipokuwa adui tulipatanishwa na Mungu kwa mauti ya Mwana wake; zaidi sana baada ya kupatanishwa tutaokolewa katika uzima wake—**Warumi 5:10.**

Msalaba una nguvu ambayo lugha haiwezi kueleza. Kafara ya Yesu kwa niaba ya jamii ya wanadamu huziaibisha juhudi na mbinu zetu ndogo za kufikia na kuinua jamii ya mwanadamu, ili kuwasaidia wanaume na wanawake wenye dhambi kumpata Yesu.

Kazi ya wana na binti za Mungu lazima iwe ya tofauti na ambavyo bado haijaoneshwa na watu wengi. Ikiwa wanampenda Yesu, watakuwa na uelewa mpana wa upendo ambao umeoneshwa kwa mwanadamu aliyeanguka, ambao ulihitaji utoaji wa dhabihu ya gharama kubwa sana ili kuiokoa jamii ya wanadamu. Mwokozi wetu anataka ushirikiano wa kila mwana na binti wa Adamu ambaye amekuwa mwana au binti wa Mungu... Mwokozi wetu anatangaza kwamba amelea uzima wa milele kutoka mbinguni kama hisani. Ilikuwa lazima ainuliwe juu ya msalaba wa Kalvari ili kuwavuta watu wote Kwake. Tunawezaje basi kuuchukuliwa urithi wa thamani wa Yesu Kristo? Wema, shukrani, utu wema, huruma na upendo vinapaswa kuoneshwa kwao. Ndipo tunaweza kufanya kazi ili kusaidia na kubarikiana kila mmoja na mwenzake. Katika kazi hii tunapaswa kufanyiana zaidi ya undugu wa kibinadamu. Tunao ushirika uliotukuka wa malaika wa mbinguni. Wanashirikiana nasi katika kazi ya kuangaza juu na chini.

Akiwa ameingia katika kazi hiyo, kazi ya ajabu ya ukombozi wetu, Kristo aliamua katika baraza na Baba Yake kutozuia kitu cho chote, hata kigharimu kiasi gani, asizuie cho chote hata kama kingekadiriwa kuwa cha juu sana, ambacho kingemwokoa mwenye dhambi asiyejiweza. Angeitoa mbingu yote kwa ajili ya kazi hii ya wokovu, ya urejeshaji wa tabia nyofu ya Mungu kwa mwanadamu.... Kuwa mwana wa Mungu ni kuwa mmoja na Kristo ndani ya Mungu na kunyoosha mikono yetu kwa upendo wa dhati, wa kujitolea ili kuimarisha na kuwabariki watu wanaoangamia katika dhambi zao.